

Every Church a Study Center



Kabataang Pilipino, Pag-asa o Problema ng Bayan ©

Conrad Jun Tolosa

Revised March 11, 2022

Part Three. Ang Tatlong Kaaway Na Sanhi Ng Mga Pressures in Life

Ang tanong ngayon ay, sino at ano ang sanhi ng mga pressures na ito?

Dahil sa kasalanan, ang dating makadiyos na kalikasan ng tao ay napalitan ng makasariling kalikasan. Ang naging natural sa tao ay ang pagsamba at paglilingkod, hindi sa Diyos, kundi sa sarili. Naging natural din sa tao ang paghahangad na sundin ang pita ng kanyang laman at hindi ang intimate relationship sa mapapangasawa. Ang paghahangad ng sexual pleasure o *sex drive* ay kaakibat ng pagkatao at ito ay magpupumiglas sa kapanahunan ng mga binatilyo at dalagita. Ang paghahangad na yumaman sa pinakamadali at pinakamabilis na paraan ay naging natural din sa tao; hindi bale na kung labag sa batas o kung may masasaktan. Kaya ang unang pinanggagalingan ng pressure sa mga teen-agers na dapat bantayan ay ang sariling pagnanasa. Ito ang internal pressure; galing sa loob ng sariling pagkatao.

Dahil sa pagiging makasarili, sooner or later, magbabanggaan ang mga tao. Simpleng halimbawa, ang magkaribal sa panliligaw ay malamang mag-away. Ang pressure galing sa makasalanang kalikasan ng taong kagalit ay nagiging external source of pressure sa isa't isa. Ang tinatawag namang peer pressure ay pressure galing sa mga kaibigan o kasamahan.

Samakatuwid, ang unang kaaway ng mga kabataan ay ang makasalanang kalikasan ng tao; taglay niya at taglay ng iba.

Ang original na makadiyos na tao, na pinagkalooban ng Diyos ng pamamahala sa mundo, ay naging makasarili nang siya ay mahulog sa kasalanan. Dahil sa kasalanan, naging corrupt ang puso ng tao at ang kanyang isip ay nagdilim. Ang nasa isip lamang niya ay magkaroon ng self gratification. Kaya naman ang kanyang mga naisin ay ang mga bagay na makapagbibigay lamang sa kanya ng kasiyahan. Hindi na maisip ng tao na bigyang kaluguran ang Diyos. Ang kanyang ikikilos at isasapamuhay ay maliwanag na taliwas o di na sang-ayon sa kung ano ang kalooban ng Diyos.

Ang kabataan na pinagsasabihan ng kanyang magulang na mag-aral ng mabuti, sapagkat ito ang tamang gawin, ay mas gugustuhing sundin ang kanyang naisin na maglagkwacha na lamang. Kung ang kabataang ito ay nag-iisip pa, maaaring magkaroon ng pagtatalo sa kanyang isipan kung susundin niya ba ang payo ng magulang o hindi. Subalit kung totally corrupt na ang puso at isip ng kabataan, siguradong wala na siyang pakikinggan at magiging manhid na ang kanyang puso. Ibig sabihin, wala na ring struggle na mararanasan, automatic na ang gagawin niya ay ang mali.

Pag-isipang mabuti: Kung ang diablo ang nagpabagsak sa tao at siya ang may pamamahala ng mundo, anong claseng mundo ang kanyang paiikutin at patatakbuhin? Siyempre, yaong patuloy na maglalayo sa tao sa Diyos at patuloy na magbibilanggo sa tao sa kasalanan.

Ang mundo ang ikalawang kaaway ng tao. Kung babalikan natin ang pagkalikha ng sansinukob at ng tao, laging sinasabi ng Diyos ang mga katagang, *It is good* matapos Niya itong pagmasdan. Lahat ng bagay na Kanyang nilikha ay nagbigay kasiyahan sa Kanya. Ibig sabihin walang pangit na nilikha ang Diyos.

Kapansin-pansin sa ating society ngayon ang walang katapusang body-shaming o kaya naman ay pamimintas ng mga tao sa isa't-isa. Kaya naman ang lahat ay pilit na nakiki-ride sa kung ano ang maganda ayon sa standard ng society o kung ano ang uso o katanggap-tanggap sa mata nila. Kapansin-pansin din kung paano nagiging self-centered ang tao through social media. Kapag ang nakita nila sa iyo ay hindi acceptable sa standard nila, asahan nating isang katutak na panlalait at pamimintas ang tatanggapin mo. Dalawang bagay lang ang kahihinatnan nito, magpa-pressure to keep up with their standard o ma-depress at maapektuhan ang mental health.

Lantad na lantad ang pressure ng mundo sa fashion. Papalit-palit ang uso sa pananamit kaya naman ang isang kabataan ay gagastos ng gagastos para lang makasunod sa kung ano ang uso. Bukod sa fashion, nariyan din ang mga produktong pampaganda o pampaputi sapagkat para sa karamihan, maganda ang maputing balat. Naroon ang pagnanais na hangaan sila ng ibang tao.

Sa mundo ng telebisyon, bakit punong-puno ng malalaswang panoorin ang taglay nito? Para ang mga mamamayan ay ma-brainwash sa paggaya ng makamundong gawain at malunok ang kasinungalingan ng mga advertisements. At ang mga kabataan ay madala sa sex world ng mga demonyo. Ang gusto ni Satanas ay huwag mag-isip ang mga tao kaya puro entertainment ang palabas, para wala nang isip-isip.

Kung tinuturing mo na ikaw ay isang Cristiano, ang babalang ito na nagmumula sa Bibliya ay para sa iyo: Huwag na kayong makiayon sa takbo o agos ng mundo bagkos ay magpabago ka sa pamamagitan ng pagbabago ng iyong isipan. Nang sa ganoon masusubukan mo at maaaprubahan kung ano ang kalooban ng Diyos – ang Kanyang mabuti, kasiya-siya at perfectong kalooban (Romans 12:2).

Ito pa ang sabi sa Bibliya, ang pag-ibig ng Diyos ay wala sa mga nagmamahal sa mundo at sa mga bagay ng kamunduhan. Ang lahat ng nasa mundo - ang pagnanasa ng hayop na nasa laman, ang kasakiman ng mata at ang kayabangan ng mga sikat - ay hindi galing sa Diyos kundi sa mundo (1 John 2:16).

Ang ikatlong kaaway ng tao ay walang-iba kundi ang diablo, si Satanas. Sinasabi ng Bibliya na si Satanas ay ang sinaunang ahas na nasa Hardin ng Eden. Pinasukan ni Satanas ang pinakatuso sa lahat ng hayop at ito ang kanyang ginamit na panunukso sa tao. Samakatuwid, si Satan ang may influence sa likod ng lahat ng ito. Gumagamit siya ng mga iba't ibang paraan, mga bagay at tao para maisakatuparan ang kanyang layunin upang mapalayo ang tao sa Diyos. Siya ang nasa likod ng pag-uudyok para makiliti ang mga makasalanang desires ng tao. Siya rin ang may influence kung bakit ang lahat ng tao sa mundo are thinking and acting the way they do.

Sinasabi sa Bibliya na ang diablo ay parang umaatungal na leon na nagmamasid-masid at naghahanap kung sino ang kanyang masasakmal at malalapa. Kaya maging mapagpigil kayo sa inyong sarili at alerto (1 Peter 5:8). Ang babalang ito ay bagay na bagay sa mga kabataan sapagkat sa isip ni Satanas, kayang-kaya niya ang mga Pilipino teen-agers.

Binabalaan din ang mga Cristiano na si Satanas ay mahusay magpanggap na anghel ng liwanag (2 Corinthians 11:14). Maaaring gamitin niya ang isang kaibigan o kamag-aral sa panunukso. Mahusay siyang magsinungaling kaya mahusay siyang mang-engganyo o mapaniwala ang isang bibiktimahin na wala namang masamang mangyayari kung susubukan niya ang premarital sex o mandukot o mag-s snatch ng bag, bagkos ito ay *challenge*. Kasiyahan lamang. Pag nakalusot minsan, bakit hindi palagi ang gawin?

Isa lamang ang pakay ng diablo para sa kabataan – ang sirain ang kanyang kinabukasan. Kung matukso niyang maging makasarili at mapusok ang isang teen-ager, ayos lang sa kanya iyon dahil malamang-lamang na, pighati o bilangguan ang bagsak niya. Alam ng lahat na kapag nangyari ito tiyak na mahihirapan nang makabangon ang isang teen-ager.

Kung ganito katinik at kalakas si Satanas, ano ang magagawa ng isang kabataan?

Dito naman papasok ang pagtitiwala sa salita ni Cristo na nagsabi sa Kanyang mga alagad na, *Sa akin ay mayroon kayong kapayapaan. Sa mundo, ang naghihintay sa inyo ay problema. Subalit, huwag kayong mawalan ng loob! Nagapi Ko na ang mundo* (John 16:33). At siyempre, kasama sa nagapi ni Cristo ang diablo.

Samatuwid, na kay Cristo at ang pagtitiwala sa Kanyang mga pangako nakasalalay ang tagumpay ng mga kabataan laban sa pagnanasa ng kanyang sariling laman na uhaw sa kasiyahan, laban sa takbo ng mundo at laban sa banta ng diablo.

Huwag nating kalimutan ang isang kasabihan sa Pilipinas, Habang may Buhay may Pag-asa.

Multiple Choice:

1. Ano ang internal pressure sa mga teenager na dapat bantayan?
 - a. Ang mundo
 - b. Ang sariling pagnanasa
 - c. Ang Diablo

2. Dahil sa kasalanan, ano ang nangyari sa puso at isip ng tao?
 - a. Naging corrupt ang puso at nagdilim ang isip
 - b. Naging madilim ang puso at lumiwanag ang isip
 - c. Naging madilim ang puso at isipan

3. Ano ang unang kaaway ng tao?
 - a. Ang makasalanang kalikasan
 - b. Ang mundo
 - c. Ang Demonyo

4. Ano ang ikalawang kaaway ng tao?
 - a. Ang makasalanang kalikasan
 - b. Ang Demonyo
 - c. Ang mundo

5. Kung ang diablo ang nagpabagsak sa tao at siya ang may pamamahala ng mundo, anong claseng mundo ang kanyang paiikutin at patatakbuhin?
 - a. Mundo na patuloy na maglalayo sa tao sa Diyos
 - b. Mundo na maglalapit sa Diyos sa tao
 - c. Mundo na puno ng kasakiman

6. Paano nagiging kaaway ng Christiano ang mundo?
 - a. Sa pamamagitan ng fashion
 - b. Sa pamamagitan ng entertainment
 - c. Sa pamamagitan ng advertisement
 - d. Lahat ng nabanggit

7. Ayon sa Romans 12:2, Ano ang dapat mabago sa isang Christiano?
 - a. Ang kanyang puso
 - b. Ang kanyang isip
 - c. Ang kanyang pagkatao

8. Ang sabi sa 1 John 2:16, na ang lahat ng nasa mundo, ang pagnanasa ng hayop na nasa laman, ang kasakiman ng mata at ang kayabangan ng mga sikat ay galing sa Diyos hindi sa mundo.
 - a. True
 - b. False

9. Ano ang ikatlong kaaway ng tao?
 - a. Ang Diyablo
 - b. Ang mundo
 - c. Ang Makasariling kalikasan

10. Si Satanas ang may influence kung bakit ang lahat ng tao sa mundo are thinking and acting the way they do.
 - a. True
 - b. False

11. Sa 1 Peter 5:8, ano ang dapat gawin ng mga Christiano?
 - a. Magmasid sa paligid at maghanda
 - b. Maging mapagpigil sa sarili at alerto
 - c. Laging maghanap at alerto

12. Ano ang pakay ng diablo sa mga kabataan?
 - a. Sila ay patuloy na lumapit sa Diyos
 - b. Sila ay mag-asam ng kanilang mga naisin
 - c. Masira ang kanilang kinabukasan

13. Ang sabi sa John 16:33 ay Sa akin ay mayroon kayong kapayapaan. Sa mundo, ang naghihintay sa inyo ay problema.
 - a. True
 - b. False

14. Kanino nakasalalay ang tagumpay ng mga kabataan?
 - a. Sa kanyang sarili
 - b. Sa kapitbahay
 - c. Kay Cristo

15. Paano magtatagumpay ang isang kabataan laban sa tatlong kaaway na nabanggit?
- a. Sa pamamagitan ng pagsisimba tuwing linggo
 - b. Sa pamamagitan ng laging pagbabasa ng Bibliya
 - c. Sa pamamagitan ng pagtitiwala sa mga pangako ni Cristo